



UNIVERSITÄTS-
BIBLIOTHEK
PADERBORN

**Antonii Mvsae Brasavoli Medici Ferrariensis Examen
omnium Trochiscorum Vnguentorum, Ceratorum,
Emplastrorum, Cataplasmatumque, & Collyriorum**

Brasavola, Antonio Musa

Venetiis, MDLI

Vnguentum Populeonis XXXIX

[urn:nbn:de:hbz:466:1-70720](https://nbn-resolving.org/urn:nbn:de:hbz:466:1-70720)

SENE X.

XXXIX.

Populeonis unguentum sese offert. BRAS. Tuum edis-
sere quod conficis. SE. Nicolaum sequor & unguen-
tum populeonis quod ipse parandum docet conficio, ita
uero parat.

Recipe Oculorum populi lib. I. & semis.

- Papaueris nigri
- Foliorum mandragoræ.
- Cimarum tenerrima-
rum rubi
- Foliorum hyoscyami
- Solatri
- Vermicularis
- Lactucæ
- Sempuiuæ, Bardanæ
- Violarum
- Umbilici ueneris

Singulor. unc. III.

Axungia suillæ sine sale recentis lib. II. aliter III. Ocu-
li populi per se primo bene pistentur, & iterum cum a-
xungia miscendo pistentur, & globi fiant, qui per duos
dies dimittantur, tertio die omnes supradictæ herbæ
colligantur, & per se probè terantur, postea cum glo-
bis iterum pistentur, ac misceantur: globis iterum confe-
ctis per nouem dies reseruentur, deinde globi illi frusta-
tim in caldarium cum libra una odoriferi, & optimi ui-
ni ponantur, & bulliant usq; ad uini cõsumptionem, ba-
culo semper agitando: deinde hoc totum in saccum pona-
tur, & probè exprimatur: hocq; expressum infrigidari
fnatur. in uas deinde ad usus reponatur. BRASA.

Ad quos usus? SE. Nicolaus dicit ualere contra calorẽ
acutæ

acuta febris, & his conferre qui dormire nequeunt, tēporibus inunctis, pulsibus, plantis manuum, & pedum hoc idem cum oleo rosaceo, uel uiolaceo mixtū super hepar extensum calorē mirabiliter tollit, & sudorem pro uocat, si supra umbilicum eo inungatur. BRAS. Tu hoc uerum putas? SE. Ab authore dicitur. BRAS. Tamen author non est Euangelista, quia oppositum facit, nam sudorem intus repercutit. SE. Sunt ne diuersi in hoc conficiendo unguento pharmacopola? BRAS. SA. In simplicibus conueniunt, at in pondere differunt, & cur differant miror, cum eundem habeant omnes Nicolaum. SE. Et quenam est in pondere differentia. BRAS. Hęc est, quia aliqui ita habent.
 Recipe Oculorum populi lib. I. & semis

Foliorum papaue-
ris nigri

Foliorum mandra-
gorę

Cimarum tenerri-
marum rubi.

Singulor. unc. IIII.

In reliquis pondus haud uariant. Aliqui etiam cum nonnullis impressis Nicolai codicibus duas apponunt axungię suillę libras, alij tres. SE. Semper tres apposui. BRAS. Et maxima pharmacopolarum pars tres recipit. SEN. Est ne ex antiquis quispiā, qui de hoc unguento uerba fecerit? BRASA. Si Nicolaus Alexandrinus inter antiquos numerāndus est, antiquus quispiam de illo pertractauit: nam unguentum hoc conficere docet capite 1035° sui de Compositione medicamentorum libri, cum ait Vnguentum Diapöpileum ad omnes dolorē

nes, & tumores qui fiunt ex calida causa.

Recipe Oculorum populi lib. IIII.

Foliorum hyoscyami.

Foliorum cimmarum ru=
bi tenerrimarum

Semperuiuæ

Radicis bardanæ

Cothylidonis

Lactucarum

Violarum

Sing. unc. VI.

Axungie suillæ recētis lib. VI. aliàs quantū sufficit, uel
ueruecis loco eius bene ablutæ. Axungia & terenda cō=
miscæ, iterum cum axungia conterantur, & magdaleo=
nibus factis octo dies seruentur, & nono die ad lentum
ignem in tenui uino coquantur, postea per sacculum co=
lentur, & abiectis herbis nocte solida dimittatur li=
quor, nocte quicquid coagulatum supernatauerit uase
reconde. SE. In hac Alexādrini compositione desunt
vermicularis, folia papaueris nigri, solatrum, & man=
dragoræ folia. BRASA. Fortè Nicolaus Propositus
ab Alexandrino accepit, & hæc addidit, uel ab alio au=
thore accepit. uidi Ferrarienses mulieres, quæ populi
flores ab his oculos uocatos in oleum iniicerent, & soli
per totam æstatem exponerent, postea exprimerent,
& ad somnum prouocandum seruarent. SEN. Con=
uenit ne? BRASA. Ita conuenit ut id quod à somno
excitat. SEN. Cur hoc? BRASA. Quia populi
flores Galeno teste calidi sunt, an uero in tertio ordine,
uel in primo, ut alij dicunt, calidi sint, arbitror ego in
primo potius esse propè secundum, et præter alios Ga=
leni

BRASAVOLI

leni locos, quibus ostendi potest esse calidos, adest etiam
 in quarto de Sanitate tuenda locus, nam oleo abietino.
 hoc cōparat, & eo utitur in lassitudinibus, inquit enim
 Galenus, Vtile sanè medicamentum est, & quod ex po-
 puli floribus fit. Id tale est. Ex floribus populi adhuc cō-
 riuentibus modius italicus in quindecim aut uiginti li-
 bras fabini olei immittitur. Si id præsto non est, simile
 aliquid præparandum oleum est. Dictum uero in præce-
 dentibus est, simile esse quodcunque tenue est, nec ullam
 adstringendi uim habet. Magis uero ad rem pertinebit,
 si modice contritum ipsum florem in oleum conijcies.
 Quod si quotidie medicamentum dimouebis, idq; potiss-
 simum cum sol feruebit ac in domo calida repones: cele-
 rius ita, magisq; tum qualitas populi, tum uis in oleū
 migrabit. Itaq; post binos ternos ue menses potes flore
 expresso atq; abiecto habere oleum, quod sine ulla mor-
 sione per halitum digerat, idq; nihilominus, quàm abiet-
 inum. Quinetiam ceræ & resinæ tantumdem iniijcere
 licet, quantū paulo ante in id quod ex abiete confici dixi-
 mus. Si quando uero humidum id quod exprimitur, cras-
 sius uidebitur: Sat fuerit uel quintā ceræ partem adij-
 ci, ne dum quartam. Ego uero etiam sextam me addidis-
 se scio, ubi & oleum crassum erat effectum, & qui usu-
 rus erat liquidiore medicamento delectabatur. Nonnul-
 li diu macerari cum flores tum semina non ferentes, par-
 tim ea percoquere in oleo coguntur, partim aquā inijce-
 re: utiq; qui cautiore sunt: quò uidelicet nec torreat-
 tur quæ sunt iniecta, nec oleum uisionem odore referat.
 Qui uero his magis sunt curiosi, in duplicibus ij uasib;
 coquunt hoc fit cum in lebete in quo sit aqua feruens,
 inseritur